

Skuur

Kauder Welsch

Ik gung tö di Foriining hen,
Wel'n Spraakenbok me koopi.
Ik luki ön, wat maakit Sen,
Let't Sölring beeter laapi.

Di Karming, wat forkoopi skel,
He ken niin Sölring snaki.
He sair, dat he't forstuun hol wel
En ken. Dit giar uk waker.

Ik luki di diar Boker ön,
Ik fraagi dös en dit,
En Wüfhaur fan dit fränkisch Lön,
Wel weet, wiar 't Sölring jit.

Jü snakit nü diartwesken hol,
Üs bi di Öneriarsken.
Ik sair „Hat es üp Söl sa Wiis,
Em snakit ek diartwesken.“.

Jü hual ek āp, jü snakit fört'
Man ik hiir, dat wat knarelt.
Da se ik, üs ik luki tö Böört,
Hör Skuur, di skaank'st üp Warel.